

舒馳遠

傷寒集註
六



痘疹真詮

發熱論

進賢舒詒馳遠著

經云痘稟于陰而成于陽。所謂稟于陰者以痘爲先天真陰中之胎毒也。而成于陽者以痘必需陽氣爲之運送而後能成。亦陰備陽生之義也。方其初痘苗一發真陽先發則頭身發熱三日而苗現。此爲陽氣鼓動蒸鬆肌肉以透苗苗齊則熱退乃真陽內伏。交會于陰而後方能供其所用也。並非邪從外解者比。迨至運水復發熱三日乃真陽至是復出薰騰津液而運水水足則陽仍復而熱退及其



北京中醫藥大學圖書館版權所有

養漿則真陽仍然出現而復發熱以化毒成膿三日膿成則熱仍退而陽伏漿既足又必藉熱以乾之吾則不能結痂痂落後又發熱三日蒸化斑點調之燒斑否則斑不能化俗醫謬謂悞食鹹物乃由不識此理耳所謂痘裏子陰而成于陽如此然則治痘始終以扶陽爲第一義其清解之法必因實邪不得已而行之切不可悞用若悞于齊苗時則水不能足而頂陷頂陷者陽氣虛也法當大補陽氣否則頂不能起且必厥逆腹痛陰寒起而症變矣若悞于養漿時則膿不能成而癢場癢場者火衰也法宜參芪苓朮附桂鹿茸鹿胎鹿鞭等藥否則寒戰咬牙吐瀉變作不



可爲矣。至于身涼而膿不乾，痂落而肉不化者，皆由清熱解毒之過也。所言不可清者，正熱也。乃真陽發見于外，用以成其功也。然又有邪熱與正熱不同，不可不辨。邪則傷正，足以害痘，又不可不治。其邪當分經辨証，隨証用治，逐條定例如左。

正熱者，陽氣蒸薰，自內達外，手足溫，和喜露頭面，不惡寒。其熱和緩，時熱時退，時有微汗，人事清爽，飲食有味，二便如常。所謂內外無邪，不必施治。
雖然無邪，不可玩視，仍當相其本氣，輕劑扶陽，助胃不致有失方爲妙筭。

邪熱者，風寒之邪自外而入，怫鬱陽氣，憎寒壯熱，四肢冷。

而無汗法當視所見証屬于何經依據六經定法分經辨
藥以解外邪然必小心體貼不可傷正

凡邪熱過勝者于法固宜亟驅其邪然不可盡除其熱
于邪退之後仍宜輕劑扶陽助胃方無後患曾醫一証齊
苗時身熱煩燥口渴飲冷不惡寒大便閉小便濇苗色赤
而暗滯顆粒小若針尖此為邪熱過勝胃有結燥吾用牛
子蟬退以解外熱生地紫草茸以解血分之熱重用大黃
少佐芒硝以蕩結燥服一劑大便通熱勢畧殺再投一劑
泄下二次熱淨身涼苗轉紅澤光壯是夜復加煩燥啼叫
不已問其故不能自達然而苗色甚佳此何故耶予細籌



之乃悟到痘書有云。執不可盡除此爲大黃過劑損傷。陽以致不能運送苗氣不能發越于外轉爲內逼所以悶不安莫可明言急投溫中助陽補氣之劑一服而安未幾到省傳士中來寓問及痘科用藥扶陽之道吾語之故併舉此症之治驗以告士中愕然曰悞矣前在閔子崗見一症與先生所言無二師亦用下二次下後煩渴不已師見苗色甚佳玩忽而不藥越二日症變厥逆腹痛投藥無効轉瞬痰壅而死矣可見熱不可盡除真格言也然扶陽雖爲上乘貴圖幾于早也失治則無効可監矣慎之慎之若本氣虛寒素慣腹痛作泄喜食辛熱而惡寒涼今值發

苗雖有三陽表証亦不可發汗而誤用麻桂柴葛羌防之類法當重用姜附參朮爲主卽令表邪重亦只可畧兼表藥表証稍輕勿用表藥專主溫經

有熱盛發摘者爲表邪閉固苗氣不得外達所致得汗則解解而復作者表邪尙未去也宜從所見外証依法表散亦有宿食壅積而發摘者吐之消之則愈食壅與表邪有辨脈浮主表沉爲食積更于舌胎以及胸腹各處審辨自能中肯又有火壅經絡津枯血燥營衛蹇滯以致苗不得透而發摘者其症必大熱大渴舌乾口臭惡熱喜冷法宜柴胡葛根內加花紛連翹生地竹茹之類凡摘發于

初熱見點之時皆無妨至齊苗之後大忌此証

搐與驚不同。搐爲實証。閉証驚爲虛証。脫証何以驗之。當其搐時。卽于其旁鳴鑼放銃。彼皆懵然不識驚証。雖直視頭仰。身手俱張。人于其旁作一咳聲。卽着一驚。且必面青唇青。便泄清白。宜用人參黃芪白朮茯苓炮姜附子半夏琥珀之類。

若發熱見點之時。遍身作癢者。此爲衛陽虛。不能克抑腠理。苗欲出而不得出者。遊移于皮膚之內而作癢。宜用桂枝干葛甘草黃芪白朮附子肉桂助陽解表之劑。外用胡荽酒對姜汁麻巾蘸帶熱擦之。或用大紙燃照之。引開腠

理苗出而癢自止。若灌漿時作癢者，勢必無大熱大熱，則不癢。必其痘頂平陷而色淡白或灰色，宜用人參黃芪、白朮、附桂、鹿茸之類，助陽補氣，俾頂起漿足而癢自止。凡癢者，總爲陽虛，故曰火衰作癢。火實作痛，其火衰者，切不可妄用消風活血等藥，致令陽愈虧而症愈壞矣。時醫見癢，令以荆芥、蕪艾葉等燒烟薰之，亦能暫止。彼以爲消風止癢之法，用之有驗，殊不知大謬不然。痘症之癢，並非風熱薰之，亦暫止者，總以火衰喜熱故也。其有真正陰虛血燥而作癢者，其色枯焦紫赤，其形縮小而不開，胖口乾舌燥，小便赤濇，法宜歸地、阿膠養血潤燥，丹皮、紫草以

解血熱。牛子蟬退以解外熱。則痘轉紅活。光壯胖自開而
癢自止。又見痘書有云。灌漿時必不能免其手搔。須令
着長細絹衣。縛其袖口。不令搔破。庶不麻面。噫。所見抑何
陋也。火衰作癢。萬不可忍。卽縛其袖。亦必擦破。且麻面之
由。實爲痘未克。垢陷于皮毛之內。比落一痂。自有一孔。吾
常于其灌漿時。用藥極爲排托。送出皮毛之外。必無麻孔。
且膿漿克滿。瘡窠疼痛。不縛其袖。其手自不敢近。則無擦
破之患。

若初發熱時。遍身疼痛者。乃由外受之邪。壅盛阻滯經絡。
苗不得出。法宜分經用藥。使邪去苗見。而痛自止。若痘已

出齊而身疼痛者則視其形色。察其本氣。用藥以助灌運。膿成毒化而痛自止。若漿滿而痛者。非身痛也。乃毒氣實盛。盡攻瘡窠而作脹痛。法宜重用參芪桂朮鹿茸等藥。大補之。劑助其元氣。以盡化其毒。頂足其漿。則脹自收而痛自止。痘書有謂漿足而痛者。用白芨一味煎湯服之。痛自止。此非法也。蓋痘必以托出爲主。反用收斂。使毒氣不得盡化。必有後患。以理揆之。且必結痂更緩。曾治隣家一症。痘出稠密。色紫赤而不紅。活遍身疼痛。更奇者兩腿各見青紫埂一條。約寬二指。纏至膝下。其處手不可近。觸之則痛劇。其腿膝上下除此埂外。截然無痘。殆所謂枯樹

掛蛇者是也。其人體氣堅實，身壯熱而不惡寒，二便調和，飲食雖不甚健，尚能吃粥二小碗。若脾虛便泄，厥逆惡寒，恐不可爲此。乃本體陽旺，兼之外邪實盛，阻遏營衛，吾用桂枝、牛子各一錢，以通營衛而逐外毒。當歸五錢助營活血，紫草茸一錢以解血分之熱，茯苓、桔梗各一錢以泄氣分之熱。甘草、陳皮各一錢，利氣和中。服二劑，則痘已開盤，運水矣。其兩腿埂上亦皆運水，轉爲白埂，明亮如吹豬腸根脚，仍有紅暈，其痛漸減。因其熱勝多火，不用雞魚，但令食鵝以助漿。藥用芪朮當歸生地各五錢，紫草茸、桔梗、甘草各一錢，日服三劑，三四日而白埂轉爲黃埂，則膿成而

痛又減再加茯苓何首烏各三錢數劑而功成矣

形色論

看痘之法看其形色以驗吉凶有形有色吉之兆也無形無色凶之徵也其初出也顆粒稀疏磊落分明謂之有形若見三五成串粘聚模糊或密如蚕種小若針尖皆爲無形所謂色者以紅活光潤爲佳若枯焦紫赤暗滯不明乃爲無色。迨至開盤之後又以形色辨氣血。氣則驗于形血則徵于色而其虛實較若列眉。書云氣體天而親上血體地而親下其高起之泡氣之位也上也氣宜克焉四圍根脚血之位也下也血宜附焉泡頂尖圓而形光壯是氣克



而居其親上之尊也。四圍根脚而巳。紅活是血附而安其
親下之分也。氣居其尊。血安其分。而後和順交會。載持外
出此最吉之痘。可勿藥而愈也。若頂陷是氣虛而不能克
法當補氣。四圍根脚色不紅活。是血虛而不能附。法當補
血。真陽虛者亦無紅暈。甚至通身是白身涼。不溫法宜大補其陽。不當專以血虛爲言。其有通頂紅
色而成血泡者。此非血之獨盈。乃由氣虧失其居尊之常
故。血得以妄行僭居其位。急宜大補其氣。氣克則必居其
在上之位。而血自安其在下之分。不得泛濫妄行。而疱轉
白矣。世人不識此理。見其血泡。謬謂血熱。而用涼血解毒
之劑。致令氣愈虧。而斃愈速也。不亦悲乎。至于調養氣血

之法其氣獨虛者固宜專補其氣不宜兼補其血蓋陽不能從陰陰愈長而陽愈消也其血虛者多由胃氣虧損元氣不足所致故補血必當兼補其氣蓋陰必從陽陽生則陰長也愚謂先輩此義誠爲看痘要訣後人毋庸置喙然而看痘必當外看形色內察本氣彼此勘訂而後的對用藥無不各當

若察其本氣無虧飲食有味二便如常精神爽慧手足溫和其候無內症矣再看其痘有形有色真佳兆也可以勿藥卽令無形無色但見內外無症亦不足慮只須相其本氣調養氣血扶脾開胃助其運灌成功亦無難者若其人

飲食不下二便不調煩燥悶亂晝夜不寧卽其痘有形有
色而其証亦甚可憂也務宜小心體貼病情斟酌用藥是
必病去而人事飲食俱康方可成功若其內症既重痘又
稠密成串暗滯不明真危候也粗工不得其法則立斃其
生其法爲何若察其**本氣虛寒**頭重頸軟手足厥逆便泄
青白法宜參芪朮附鹿茸鹿鞭之類大劑陡進若泄不止
另製肉蔻末龍骨末加入藥內化服嘔逆更加砂仁白蔻
丁香半夏吳萸之類務令泄止陽回精神爽慧飲食漸進
方可得生若察其**真陰素虧胃火素亢**外見壯熱煩燥渴
欲飲冷小便短赤法宜當歸生地梔子麥冬石膏紫草牛

子蟬退外解熱毒內救津液務令津回渴止人事安靜
色紅活光壯而後改用調理之劑以助運灌可以成功
更兼舌胎乾燥噴熱如火腹滿惡熱大便閉結甚至
急當行驅陽救陰之法蕩除結燥以存津液少緩則無及
矣是必重用大黃芒硝枳實當歸生地紫草茸牛蒡子蟬
退使結去津回舌潤身安痘起盤紅而後改方調理方能
成功噫亦危矣 痘書有云寧教有色而無形休教有形
而無色是痘以色為主色以紅為貴而紅有圈紅暎紅鋪
紅之別圈紅者一線紅圈緊附于 根窠之下最佳兆也暎
紅者根下血色隱隱出于部外其 走散而不附氣乃由